

Jém carta jém ijayñewiip Santiago

Jáyayfa jém Israelpic pixiñfam
jém juumipic nicneyaj

1 Ich aSantiago. Añcuyoxap Dios, añcuyoxaptim jém tánOmi Jesucristo. Andioschiiba jém doce tribu, jém Israelpic pixiñfam, jém nicnewiip yim jeexic yíp naxyucmi.

Dios ipixiñfam iñascaaba jém
yaachaji, cutitstapim

²Siip mantiwitam, maymáyataami cuando iññascaaba jém yaachaji y tsam micutítstamtap. ³Como tanait fe, tsam tañcupicpa, tanjodonj iga cuando tacutítstap, más wiap tanyaachíy. ⁴Yaachiyi más y más cuando micutítstap, jesic quejpa iga capsum iñcupic parejo. Wiap iñwat juuts ixunpa Dios. Jesic dá ti mitogóyáy.

⁵Siiga algunos de mimichfam mitogóyáy jém wibic jixi, wágaytaami tanJatunj Dios. Je michiiba jáyanj jém wibic jixi. Da nimpá iga da manchiiba. ⁶Pero waaci con jém fe, cupici iga Dios wiap michi. El que dá icupicpa iga Dios wiap iwat juuts tajiyámayñe, jex juuts jém lamar poa icmiñpa icnicpa jém sawa. ⁷Jém iwatpáppic jempic, odoy jisi iga ipictsonpa

titam iwágáypa jém tánOmi. ⁸Yíp pixiñ icacpa ijixi, siip nimpá tum cosa y joymi tungac.

⁹Jém tantiwi, jém dápic wi íf, wi iga maymáyaiñ porque ipictsonpa jém wibic herencia. ¹⁰Pero jém rico yaachaptim, dátim wi íf, porque jém itumiñ juuts jém moya jém itwiip copjom, dá jáypa, cuyajpa. ¹¹Quimpa jém jama tsam pijpa. Titspa jém moya icuy, túcpa jém moya, actiñpa naxyucmi. Agui wi jém moya, pero cuyajpa. Jesaptim togoypa jém rico iganam iwatpa jém negocio.

Tacutitstap

¹²Tsam wiitpa jém pixiñ siiga iyaachíyapa cuando cutítstap. Porque cuando iyaachíy iga cutítstá, ipictsonpa tum corona de vida, jém Diospic ijycámayñe jém ifoyyajpáppic. ¹³Cuando algunos cutítstap, odoy nímiñ iga Dios icutítspa iga icmalwatpa. Porque Dios dá i wiap icutítis iga imalwadíñ. Dios dátim icutítspa ni tum pixiñ iga imalwadíñ. ¹⁴Tacutítstap iga tammalwatpa porque tsam tanjispá jém malopic cosa tanjixianjjom. Ocmi tañcusúníyapa hasta tammalwatpa. ¹⁵Siiga tum pixiñ

iwatpa jém malopic cosa juuts ijispa ianamañjom, jesic asíam tsucumpa jém táñca. Jesic cuando tsam jáyañ táñca iniif ianamañjom, iccaaba jém pìxiñ.

¹⁶Siip mantiwítam, mantoytampáppic, nawattamtajì cuenta iga odoy i mimigóyáyíñ. ¹⁷Dios ichac itumpiy jém wítampic cosa. Da tachiiba jém malopic cosa. Jém tanJatuñ Dios tachiitámpa jém wítampic xaja. Iwat itumpiy jém matsa jém ityajwiip siñyucmi. Cucacyajpa jém matsayaj, pero jém tanJatuñ Dios da nunca cucacpa. Itumpiy tiempo jex. ¹⁸Jém tanJatuñ Dios tacnayxet por medio de jém numapic anquímayooyi, porque jempigam iwianjam Dios. Jesic tatsíytámpa juuts jém wiñtipic cosecha de itumpiy jém iwatnewiip.

Quejpa juppic jém wibic anquímayooyi

¹⁹Jistaami, mantiwítam, mantoytampáppic, wi iga taiítamiñ listo iga tamatóñoytámpa. Odoy jicsciy wogaayi tum pìxiñ siiga tanjìspa iga inmatpa migooyi. Da wi iga jobidam tajóypa. ²⁰Jém tsampic jóytero da wiap iwat juuts ixunpa Dios. ²¹Jesic tsaci jém cosa dápic wi y itumpiy juuts iwianjamyaj jém malopic pixiñtam. Wipictsonji jém Dios inmatí jém ñipnewiip inanamañjom juuts tum pìxiñ dápic malo. Porque yip anmatí iniif ipimi iga miciacpudáypa ininama.

²²Wattaami juuts nìmpa jém Dios inmatí. Siiga no más inxajamatonpa y da iniccupacpa juuts nìmpa jém Dios inquímayooyi, jesic inyaac minimigóyaytáp. ²³Siiga tum pìxiñ

imatonpa jém Dios inmatí, pero da iwatpa juuts nìmpa jém Dios inquímayooyi, jesic jém pìxiñ jex juuts tum pìxiñ iámpa iwiñpac tum tescatjom. ²⁴Iámpa juuts jém iwiñpac, jesic ocmi iccáypa jém tescat, jeefi rato ijaamañnotpa juuts jém iwiñpac. ²⁵Pero siiga tum pìxiñ seguido iámpa jém wibic anquímayooyi, jesic da ijaamañnotpa, seguido iwatpa juuts nìmpa jém anquímayooyi. Jesic jém pìxiñ tsam wiitpa. Yip anquímayooyi tactsacpa iga tammalwatpa.

²⁶Siiga tum pìxiñ nìmpa iga icupicpa jém Dios inmatí, pero da wiap ichac iga migóypa y malnìmpa, jesic namigóyaytáp iyaac jém pìxiñ. Da ti cuwatcuy jém ireligion. ²⁷Jém iniitwiip jém wibic religiòn, jém dápic táñcaiy Dios iwiñjom, iyoxpátpa jém yuctucuyaj y jém cunoyayaj jém yaachayajpáppic. Nawattapim cuenta iyaac iga odoy imalwadiñ juuts jém malopic pixiñtam, jém imalwatyajpaap, jém ityajwiip yip naxyucmi.

Wiixi itumpiy jém pixiñtam

2 Mantiwítam, siiga numa incupictámpa jém tánQmi Jesucristo jém itwiip siñyucmi, jesic odoy nejatóyooyi. ²Siiga tigíypa tum pìxiñ juñ inwattámpa culto agui wicuyajne, iccámne tum cucuma de oro y tigíypatim tum pìxiñ tsam pobre, da wicuyajne, ³jesic siiga inwipictsonpa jém pìxiñ jém wicuyajnewiip y inñimáypa: “Mìñi micoñi yim juñ wicòm.” Pero inñimáypa jém pobrepic: “Mich

jemum teñi o coñi yiim naxyucmi.”

⁴Siiga inwattámpa así, jesic quejpa iga miñejatóyóypa. Michíy juuts jém malopic juez jém ďapic ciipínóypa parejo.

⁵Mantiwítam mantoyítampáppic, matonġaami. TanJatuġ Dios icupiġ jém pobreyaj yíp naxyucmi iga ichiiba jém siñyucmipic riqueza cuando icupicyajpa Jesucristo. Dios ijíycámayne iga ichiiba jém derecho iga nicpa íti con Dios ítumpiy jém tsámpic ítoyyajpa.

⁶Pero mimichítam inchaawatta jém pobreyaj. ¿Que dá inġodonġtam iga jém ricopic pixiní mitobáyáypa jém michpic immiichi, pimimi mininipca jém anġagooyicim?

⁷Yíptim rico tsam imalnímáypa jém tánOmi Cristo inñiyi, mimichítam inñiyítim.

⁸Jém más mijpic anġuímayooyi, jém jayñewiip jém Dios inġati, nimpá iga: “Toyí inñiwi juuts minitoytá inġaac.” Siiga numa inġwatpa juuts nimpá jém mijpic anġuímayooyi, jesic síp inġiwat.

⁹Siiga miñejatóyóypa, jesic síp inġwat táŋca. Inġwatpa contra jém Dios inġuímayooyi. ¹⁰Siiga tum pixiní iwatpa juuts nimpá ítumpiy jém Moisés inġuímayooyi, pero tum punto dá iccupacpa, jesic iniíttim la culpa jexítim juuts iga iwatpa acontra ítumpiy jém anġuímayooyi.

¹¹Jém nimnewiip iga: Odoy pejooyi, nimítim iga: Odoy accaoyi. Siiga dá mipejóypa, pero miccaóypa, jesic mifáncaíyítim. Inġwatnefím acontra jém Dios inġuímayooyi.

¹²Siempre anġmattaami jém anġati ďapic malo. Wíwattaami porque inġodonġtam iga Dios taciipinpa con

jém tánOmi Cristo inġuímayooyi. Yíptim anġuímayooyi tactsacpa jém malopic jixi. ¹³TanJatuġ Dios dá iyaachanjampa jém pixinítam jém ďapic iyaachanjamyajpa jém ítiwítam, iciipinpa y ichiiba castigo. Pero jém iyaachanjampáppic jém ítiwítam, dá tí iciġpa cuando núcpa jém hora iga ciipínóypa Dios porque je iyaachanjampatim.

Siiga numa taġcupicpa jém Cristo, jesic taġwíwatpa

¹⁴Mantiwítam, dá para tí wí siiga tum pixiní iniif fe, nimpá iga icupicpa Cristo, pero ocmi dá iwíwatpa juuts ixunpa Dios. Siiga nimpá iga icupicpa Cristo, pero dá iwíwatpa, jesic Dios dá iciacputpa. ¹⁵Siiga tum tantíwi o tum tanyomtíwi, jém icupicnewiip Cristo, dá inií ipuctucu ni ďatim inií títam icútpa cada jama, ¹⁶pero siiga tum de mimichítam inñímáypa: “Chogoyñicsim, najocoxwattaji iga odoy mixucuscañ, wíwiici”, pero siiga dá inchiiba títam ífogóyá jém imíjtay, ¿para tí wí iga inñímáy jempic? ¹⁷Jesaneítim jém iniítwiip jém fe, siiga dá iwíwatpa, tsíy juuts caane. ¹⁸Algunos nimpá iga icupicpa Cristo iga iciacpudiñ Dios. Pero tuġgac nimpá iga iwíwatpa iga iwípicťosóniñ Dios. Pero dá quejpa siiga tum pixiní icupicpa Cristo siiga dá iwíwatpatim. Numa cuando taġwíwadáypa jém tantíwítam, tsam wíquejpa iga taġcupicpa Cristo. ¹⁹Mich inġcupicpa iga nada más íf tum Dios. Wí iga inġcupicpa. Jém mal espíritu icupicyajpatim iga no más tum Dios íf y tsam ciñyajpa, tsam cuetsáypa. ²⁰Odoy

cuixaji, ¿que dá in̄jodon̄ siiga tum p̄ixiñ īj̄spa iga icup̄icpa Cristo, pero dá iw̄watpa, jesic jém ife dá para tí w̄i? ²¹Tanjodon̄ tí in̄asca jém wiñ̄c̄pic tan̄jatun̄wewe jém Abraham. Dios ipict̄son̄ jém Abraham juuts tum p̄ixiñ d̄apic t̄añcāȳ porque iwat tí in̄ímáy Dios. Ichiiba id̄ic jém iman̄ic Isaac juuts tum ofrenda jém altaryucmi. ²²Jesic quejpa iga jém Abraham iniif fe porque iwat juuts ixunpa Dios. Jemp̄igam quejpa iga numa iniif fe cuando iwat juuts in̄ímáy Dios. ²³Asíam cupacpa jém āñmāti juuts jayñeta: “Jém Abraham icup̄ic Dios jeyucmi Dios ipict̄son̄ juuts tum p̄ixiñ d̄apic t̄añcāȳ. Nímaȳta jém Abraham iga Dios iamigo.”

²⁴Jesic in̄ix̄ta iga Dios iw̄itsagáypa tum p̄ixiñ it̄añca porque iwatpa juuts ixunpa Dios, dá solamente iga iniif jém fe. ²⁵Jes̄atim jém yomo Rahab, jém pejoypaap, Dios ipict̄son̄ juuts tum yomo d̄apic t̄añcāȳ porque icyam jém wisten̄ jém icuixayyajpaap jém nas y ocmi in̄quej̄ȳ tungac tun̄ iga odoy ī wīañ imats. Jém yomo iwat juuts ixunpa Dios, jeyucmi w̄itsagaȳta jém it̄añca. ²⁶Siiga tum p̄ixiñ imij̄taȳ dá anamaj̄ȳ, jesic caane. Jesan̄etim siiga tum p̄ixiñ n̄impa iga iniif fe, pero dá iwatpa juuts ixunpa Dios, jesic jém fe caan̄etim.

Jém p̄ixiñ ifots

3 Mant̄iwitam, dá w̄i iga agui jáyan̄ de mich̄fam mich̄ȳf̄ámpa juuts mimaestrotam. In̄jodon̄tam iga aich̄fam jém amaestrotam más p̄imi

aw̄icīipīñtap que jém d̄apic je maestro. ²Tantump̄iȳfam w̄añciȳ tammalwatpa, pero él que dá nunca maln̄impa, jesic je tsam wibic p̄ixiñ. Wiap in̄jac itump̄iȳ jém imij̄taȳ. ³Jemp̄ictim tanaccámáypa tum freno jém cawaj iga tacup̄iguiñ. Jempam tanañjacpa jém cawaj. ⁴J̄istaami jém barco tsam mij. Jém sawa tsam p̄imi inin̄icpa. Pero jém barco iomi iyácsetpa jém barco, con tum xūtu timón wiap inin̄ic jūt ixunpa. ⁵Jextim jém tantots tum cosa tsam xūtu, pero wiap ictsucum jáyan̄ pleito. Wiap tannooquet jáyan̄ mij̄tampic cuyȳaj con tum xūtu jucti. ⁶Jém tantots jex juuts tum jucti. Wiap ictsucum jáyan̄ malop̄ic cosa, tsam jáyan̄ap hasta icmalwatpa tum p̄ixiñ icutero. Tamalwadáypa itump̄iȳ jém tamvida. Ȳip̄ jucti tsucum jém infierno. ⁷Jém p̄ixiñtam wiap iman̄xuwat̄ȳaj jém jim̄ni animat̄ȳaj, jém jon, jém tsañ̄ y jém it̄ȳajw̄iip̄ jém lamar. ⁸Pero dá ī ni tum p̄ixiñ wiap iman̄xuwat̄ jém ifots. Tsam p̄imi malo, dá ij̄c̄pa iga tanañjacpa. Jex juuts jém veneno jém accaoȳp̄appic. ⁹Con tantots tan̄cuj̄ipt̄ampa tan̄jatun̄ Dios y con tantots tan̄cuj̄iȳf̄ámpa jém tant̄iwitam jém Diosp̄ic iwatne juuts je. ¹⁰Con jeētim tan̄jip̄ tacuj̄ibóypa y tacuj̄iȳóypa. Mant̄iwitam, dá w̄i iga in̄watt̄ámpa jemp̄ic. ¹¹Tum̄ti nīxcuȳ dá wiap iput jém wibic ni y jém tam̄pic. ¹²Mant̄iwitam, tum tsuj̄ dá wiap iwat jém aceitunas íim. Y tum uvas dá wiap iwat jém tsuj̄ íim. D̄atim wiap iput tum̄ti nīxcuȳ jém can̄ani y jém wibic ni.

Tañquejáypa jup jém wibic jixi

¹³Siiga mijixiíy algunos de mimichfam y inçutiíyíyapa tí ixunpa Dios, jesic seguido wíwati iga quejiñ iga mijixiíy y dá mimalo.

¹⁴Siiga agui micujóyíyóyapa y tsam miñajajóyapa y tsam inçusúníyapa ítumpíy jém wítampic cosa para mich mismo, jesic odoy nacujíptaji iñyaac iga tsam mijixiíy. Siiga inçwattámpa así, minimigóyaytap iñyaac, dá iññuumañmatpa. ¹⁵Yíp jixi dá miññe de Dios. Tsucum yíp naxyucmi, jém Wocciíwiñ ictsucum.

¹⁶Porque juť ít jém kujóyíyooyi y jém najajooyi, agui kujíñayñe jém pixiñtam, tsam imalwatyajpa.

¹⁷Jém iniítwiip jém Dios jixi ichacpa iga imalwatpa, dá áñapa con ítíwítam. Wibic pixiñ, dá malo. Matóñóyapa. Iyaachañjampa jém yaachayajpáppic, iwíwadáyapa i quej. Seguido iwatpa juuts ixunpa Dios y dá tamigóyáyapa. ¹⁸Juť dá áñayajpa jém pixiñtam y dá i jém pleito, tsam añpicpa jém wibic jixi.

Đa wí iga tantoypa jém cosa jém ítwiip yíp naxyucmi

4 ¿Tíiga tsam míñatámpa con jém iñíwítam? ¿Tíiga tsam ít jém pleito? Tsucum jém malopic jixi iññamanjom iga míñatámpa.

²Mimichfam tsam inçusúníyapa jáyañ cosa, pero dá i michiiba, jeeyucmi tsam miccaóyapa. Tsam inçusúníyapa tungac pixiñ imiichi, pero cuando dá i michiiba, jesic tsam míñatámpa. Đa impictsonpa tífam iñxunpa porque dá inçwágáyapa Dios. ³Inçwágáyapa Dios alguna cosa, pero je dá michiiba

porque inçwágáyapa iga immalwatpa.

⁴A que mimichfam, inçupictíp Dios. ¿Que dá inçodontam siiga iñtoypa jém malopic cosa jém ítíyajwiip yíp naxyucmi, jesic iñjóyixpa jém tanJatun Dios? Siiga iñtoypa jém malopic cosa, jesic eybíc michíyapa juuts enemigo de Dios. ⁵Đa xajaniñpa jém Dios inçmaťi: “Jém Dios iAnama, jém tachiiñewiip Dios, tsam tatoypa y tawatpa cuenta iga odoy tantsagáyíñ jém Dios inçmaťi.” ⁶Ñuma, Dios tsam pími tayaachañjampa. Asíam niñpa jém Dios inçmaťi juť jayñeta: “Dios dá iyoxpátpa jém píxiñ jém nacujíptapáppic. Pero iyaachañjampa jém dapic nacujíptap.” ⁷Jesic wattaami juuts miñímáyapa Dios. Odoy jiici iga micmalwatpa jém Wocciíwiñ, jesic micupóyáyapa. ⁸Cunúctaami Dios, jesic micunúcpáťim Dios. Miťañcaiyeciíwiñ, kujichaayi inçi. Siiga miñiñpa iga iñtoypa Dios, pero iñtoypaťim jém malopic cosa, jém ítíyajwiip yíp naxyucmi, jesic kujichaayi jém iññanama, tsaci iga immalwatpa. ⁹Añyáctaami. Wejtaami. Tsaci iga mixictámpa, wejtaami. Jém maymáyañi setpa iga añyaaqui. ¹⁰Miñi micosteñi jém tanJatun Dios iwiñjom juuts dá tí miwiap, jesic Dios micquímpa yucmi.

Jém icujíypáppic jém ítíwi

¹¹Mantíwítam, odoy nacujíyfamťaji con jém iñíwítam. Jém icujíypáppic jém ítíwi, icujíypaťim jém Dios inçquímayooyi. Siiga icujíyapa jém wibic añquímayooyi, jesic tsíyapa juuts

tum juez, da iwatpa juuts nimpa jém anquímayooyi. ¹²Íf tum jém Tachiipáppic jém Anquímayooyi, jeefim jém Juez. Je wíap taciacput. Wiapfím tactogoy. ¿Pero mimich miipaap iga iñçiiñpa iñtíwi juuts mijuez?

Da tanjodoñ tí miñpa ocmi

¹³Amatoñtaami mimichfam, jém miñimpáppic iga: “Yíp jama o joymi anicpa tum atebet. Nicpa anyaj tum amfíy iga amáymáyóypa iga anwatpa tumiñ.” ¹⁴Ni da i ijodoñ tí naspá joymi. ¿Tí jém tamvida? Jex como tum oma. Ítpa tum rato, pero ocmi togoypa. ¹⁵Más wí iga miñimpa iga: “Siiga Dios iwianjam, jesic tanaítpa tamvida y tanwatpa cualquier cosa.” ¹⁶Pero mimichfam tsam minicujítpa iñyaac, iñjís pa iga agui miwíap. Agui malo iga minicujítpa iñyaac. ¹⁷Jém ijodoñpic iga wíap iwíwat, pero da iwatpa, jesic iwatpa tánca.

Chiítap jixi jém ricopic pixiñtam

5 Matonñtaami miricotam, anyáctaami, pimi anwejtaami porque miñpa tum mijpic yaachaji para mimichfam. ²Pucneum jém iñriquesa, jém impuctucu icútneum wechi. ³Jém oro y jém plata jém iniíwíip, siip itsneum. Cuando iñixpa iga itsneum, jesic quejpa iga dátim jáypa jém immijtay. Pucpatim. Miñoopáptim juctjom. Inñtuumawatpa jáyañ jém riqueza para jém inañpigam jama. ⁴Mimichfam miricopic, da inwíyoj jém immozoyaj, siip miquejajwadayne iga da inwíyoj. Siip matónañetawum jém quejaj

jém tanJatun Dios iwiñjom. ⁵Tsam pimi miwíif yíp naxyucmi. Inwat títam iñjís iñanamanjom. Cusum inwat títam iñxunpa. Mijex juuts tum xix acpínetawíip iga accaatap. ⁶Miricopic mipixiñtam tsam mimalo. Iñchi castigo jém pixiñtam jém dápic táncaíy, iniccaayaj, y jeeyaj ijícyaj.

Tanyaachíypa iganam tananjóctampa jém tánQmi

⁷Jeeyucmi, mantíwítam, yaachíyi iga mimalwadaytap hasta miñgacpa yíp naxyucmi jém tánQmi. Jém yoxayajpaap camjom injócpa jém wiñtipic tuj y jém ocmipic tuj iga wíaiñ ipictson jém wibic cosecha. ⁸Yaachíyi, mimichfam, iganam ininjóctampa jém tánQmi. Odoy tsaci jém Dios inmatí porque da jáyñe miñpa jém tánQmi. ⁹Mantíwítam, odoy naquejajwadaytamtaji con jém iñtíwítam, jesic mimichfam Dios dátim miciiñpa. Jém juez íf jém puerta aññaca. ¹⁰Mantíwítam, jistaami jém wiñicpic añmatciwiñ jém inmatyajpáppic jém Dios inmatí. Jeeyaj iyaachíyyaj cuando yaachwatyajtā. Wí siiga tanyaachíyátamtim taichfam cuando tayaachwattamtap. ¹¹Numa mannímáypa, tanjodoñ iga tsam maymay jém pixiñtam jém iyaachíyñewíip cuando yaachwattap. Michfam immatoñneta tí iñasca jém Job iga tsam iyaachíy cuando yaachwattap y tanjodoñtím iga ocmi Dios tsam iwíwadáy jém Job. Quejpa iga tatoypa Dios y tayaachanjampa.

¹²Y siip mantíwítam, manchiiba tum wibic jixi. Odoy tsaci Dios

juuts tum testigo iga da mimigóypa. Odoy n̄imi: “W̄ijodios.” Cuando miñimtooba iga: “J̄i”, jesic n̄imi “J̄i.” Cuando miñimtooba: “Da”, jesic n̄imi “da” iga odoy michiitámiñ castigo Dios.

**Cuando tanañwejpátpa
Dios, je tsam tayoxpátpa**

¹³Siiga tum de mimichfam miyaachwattap, jesic w̄i iga inñwejpádiñ Dios. Siiga mimaymay, jesic wánaayi Dios tum wañi iga inñcujíppa Dios. ¹⁴Siiga tum de mimichfam mimimne, jesic w̄i iga inñwejáypa jém añjagooyiyaj, jém inñjacyajpáppic jém Dios ipixiñtam, iga inñwejpádayajiñ Dios para jém mimnewiip, iccámayyajiñ aceite jém tánQmi Jesucristo inñiyimi. ¹⁵Siiga numa iniií fe cuando inñwejpátpa Dios, jesic pispa jém mimnewiip. Jém tanJaturj Dios icpispá. Siiga tãñcaíy, jesic Dios iwadáypa perdón jém itãñca.

¹⁶Jeeyucmi manñimáypa, Nañmadaytamtaji jém inñtãñca con

jém inñiwitam. Nañwejpádayfamtaji Dios con jém inñiwitam iga mipistámiñ. Cuando tum wibic p̄ixiñ, dapic tãñcaíy, inñwejpátpa Dios con itumpiy jém ianama, tsam w̄iap, Dios imatónjáypa. ¹⁷Jém profeta Elias p̄ixiñtim juustim taichfam. Inñwejpát Dios con itumpiy ianama iga odoy chijóyiñ jém tuj. Y numa tres años y medio da chijóy tuj jém naxyucmi. ¹⁸Ocmi cuando inñwejpátpa Dios eybic, mojegacum chióy jém tuj. Jesic jém naxyucmi eybic w̄i putpa jém cosecha.

¹⁹Mantiwitam, siiga algunos de mimichfam ichacpa jém numapic añmáti y siiga tum de mimichfam inicsetpa iga icupiguiñ eybic jém numapic añmáti, jesic mich inñw̄i watpa. ²⁰Jodónjataami siiga inñyoxpátpa tum jém tant̄wi, jém tãñcaíyw̄iip, iga ichacpa jém malopic turj, jesic tsam inñyoxpátpa iga odoy togóyiñ jém ianama porque wadayta perdón jém itãñca tsam jáyan. Jemum cuyaj.